

Broj: A-III-28/23-V
Sarajevo, 01.06.2023. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14 i 59/22) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke roba: „**Nabavka monitora za potrebe Kantonalnog tužilaštva Kantona Sarajevo**“, date u Zapisniku broj: A-III-28/23–IV od 31.05.2023. godine, Glavna kantonalna tužiteljica donosi:

ODLUKU

**o izboru najpovoljnijeg ponuđača i dodjeli ugovora za nabavku monitora
za potrebe Kantonalnog tužilaštva Kantona Sarajevo**

I

Prihvata se preporuka Komisije za javne nabavke i Ugovor o nabavci roba – monitora za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“R&S” d.o.o. Sarajevo, Igmanska b.b., 71320 Vogošća**, a prema ponudi broj: 16546/23 od 26.05.2023. godine, s ukupnom cijenom **2.970,00 KM bez PDV-a, odnosno 3.474,90 KM sa PDV-om**, kao jedina prihvatljiva i pravilna ponuda.

II


Ugovor o javnoj nabavci dostavit će se na potpis izabranom ponuđaču **“R&S” d.o.o. Sarajevo**, po proteku 15 dana od dana kada su svi ponuđači obaviješteni o izboru najpovoljnijeg ponuđača, u skladu sa članom 98. stav (1) ZJN.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) ZJN.



O b r a z l o ž e n j e

Na osnovu Odluke o pokretanju postupka javne nabavke broj: A-III-28/23 od 20.04.2023. godine pokrenut je postupak javne nabavke roba: „*Nabavka monitora za potrebe Kantonalnog tužilaštva Kantona Sarajevo*“, procijenjene vrijednosti 3.000,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-47-3-8/23 od 03.05.2023. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.


Zahtjev za pojašnjenje tenderske dokumentacije u predmetnom postupku javne nabavke, u skladu sa tačkom 6.2. TD, u zakonskom roku putem portala JN je postavio ponuđač „R&S“ d.o.o. Sarajevo, dana 11.05.2023. u 16:09 i isto odnosilo na tehničku specifikaciju odnosno tehničke karakteristike za: Vezano za tehničku specifikaciju monitora da li je moguće ponuditi standardnu opciju za tilta od 22 stepena ili manje zbog širine ponude koja je dostupna u tom rasponu?

Ugovorni organ je dana 12.05.2023. godine u 09:50 sati u skladu sa članom 56. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14 i 59/22), u zakonskom roku, dao sljedeće pojašnjenje: S obzirom da je tazlika između tilta 23° i 22° minimalna, te da za ugovorni organ ne predstavlja neku razliku u kvaliteti ponuđene robe, a zbog mogućnosti nudijenja više vrsta monitora i poštivanja općih principa javnih nabavki, ugovorni organ je odlučio promijeniti Obrazac za cijenu ponude - robe - Aneks 3. u dijelu koji opisuje karakteristiku prilagodljivost, te umjesto karakteristike Prilagodljivost: tilt 23° nazad, -5° naprijed, podizanje minimalno 155 mm; treba da stoji: Prilagodljivost: tilt minimalno 22° nazad, -5° naprijed, podizanje minimalno 155 mm.

Shodno navedenom, mijenja se Obrazac za cijenu ponude - robe - Aneks 3. u gore navedenom dijelu, te novi Obrazac za cijenu ponude - robe - Aneks 3. postaje važeći i sastavni dio tenderske dokumentacije, umjesto prvobitnog. U svim ostalim dijelovima, tenderska dokumentacija ostaje nepromijenjena. Nakon što se objavi odgovor na ovo pitanje, ugovorni organ će objaviti novi izmijenjeni Obrazac za cijenu ponude - robe - Aneks 3., koji će biti izmijenjen u dijelu koji je gore naveden.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 (u daljem tekstu: Komisija) je dana 29.05.2023. godine u 11:45 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da su u predmetnom postupku blagovremeno zaprimljene 2 (dvije) ponude. Javnom otvaranju ponuda nije bilo prisutnog predstavnika ponuđača. Zapisnik sa otvaranja ponuda dostavljen je svim ponuđačima koji su učestvovali u postupku javne nabavke u zakonskom roku, u skladu sa članom 63. stav 6. Zakona o javnim nabavkama.



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-28/23-IV od 31.05.2023. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle dvije (2) ponude i to ponude ponuđača: **"SYSTEM ONE" d.o.o. Sarajevo** i **"R&S" d.o.o. Sarajevo**.


Komisija je konstatovala da su dostavljene ponude ponuđača: **"SYSTEM ONE" d.o.o. Sarajevo** i **"R&S" d.o.o. Sarajevo**, prihvatljive prema obliku, sadržaju, potpunosti, sposobnosti obavljanja registrovane djelatnosti i tehničke i profesionalne sposobnosti, te da ponuđene vrijednosti ponuda odgovaraju planiranim, odnosno osiguranim sredstvima.

Komisija je takođe izvršila provjeru računske ispravnosti prihvatljivih ponuda po tački 10.5. Tenderske dokumentacije i utvrdila da ponuda ponuđača **"R&S" d.o.o. Sarajevo**, ima računsku grešku, a odnosi se na popunjeni Obrazac za cijenu ponude – robe – Aneks 3. S obzirom da je ponuđena jedinična cijena monitora u iznosu od 330,00 KM u Obrascu za cijenu ponude – robe – Aneks 3., množenjem navedene vrijednosti dobije se ukupna vrijednost bez PDV-a u iznosu od 2.970,00 KM, kako je i navedeno u ponudi, odnosno u Obrascu za cijenu ponude – robe – Aneks 3. Međutim, budući da nije ponuđen popust, odnosno u redu popust je navedeno 0,00 KM, u redu koji se odnosi na ukupnu cijenu sa popustom bez PDV-a je navedena cijena 3.474,90 KM, a trebalo bi da stoji 2.970,00 KM kada se zbroji ponuđena cijena bez PDV-a i ponuđeni popust, a slovima napisano dvijehiljadedevetstotinaisedamdeset KM. Zahtjev za saglasnost za ispravku računске greške, broj: A-III-28/23-III, ugovorni organ je uputio dana 30.05.2023. ponuđaču "R&S" d.o.o. Sarajevo, a isti je dostavio svoju saglasnost istog dana, odnosno 30.05.2023. godine. Saglasnost za ispravku računске greške ponuđača **"R&S" d.o.o. Sarajevo**, je sastavni dio ovog zapisnika o pregledu i ocjeni ponuda.

U skladu sa tačkom 8.4.2. b) tenderske dokumentacije Komisija je izvršila uvid u ponude u pogledu zadovoljavanja **tehničkih uslova za predmete nabavke**, zahtijevanih u tehničkoj specifikaciji, datoj u Obrascu za cijenu ponude – robe – Aneks 3. tenderske dokumentacije Otvorenog postupka, te shodno mišljenju IKT službe KTKS utvrdila je da je ponuda ponuđača: **"R&S" d.o.o. Sarajevo** jedina pravilna ponuda i da je ponuđena roba u skladu sa tenderskom dokumentacijom, odnosno tehničkom specifikacijom, da je primljena u roku za dostavu ponuda, da ne postoje dokazi o tajnom sporazumu ili korupciji, te da je ponuda rezultat tržišne konkurencije i cijene ponude nisu izuzetno niske (neprirodno niske).

Takođe, Komisija je konstatovala da je ponuda ponuđača: **"SYSTEM ONE" d.o.o. Sarajevo** primljena u roku za dostavu ponuda, da ne postoje dokazi o tajnom sporazumu ili korupciji, da je ponuda rezultat tržišne konkurencije i cijena ponuda nije izuzetno niska (neprirodno niska), ali je nepravilna tj. ponuđena roba nije u skladu sa tenderskom dokumentacijom, odnosno tehničkom specifikacijom iz sljedećih razloga:

Uvidom u ponudu ponuđača "SYSTEM ONE" d.o.o. Sarajevo, Komisija je utvrdila da je isti ponudio opremu monitor proizvođača ASUS VA24EQSB i za isti je priložio tehnički list sa tehničkim opisom opreme proizvođača ASUS iz tačke 8.4. tenderske dokumentacije.



- Detaljnim pregledom ponude i priloženog tehničkog opisa opreme u skladu sa tačkom 8.4.2. b) tenderske dokumentacije, Komisija je utvrdila da ponuda ponuđača „SYSTEM ONE“ d.o.o. Sarajevo ne ispunjava minimalne tehničke uslove u skladu sa tehničkom specifikacijom datoj u Aneksu 3. Obrazac za cijenu ponude - robe TD.

Naime, u tehničkoj specifikaciji robe TD minimalni zahtjev u pogledu karakteristike brzina odziva monitora navedeno je: **Odziv: minimalno 6ms odziv, 4 ms u extreme modu.**

U ponudi ponuđača „SYSTEM ONE“ d.o.o. Sarajevo u tehničkom opisu opreme za model ASUS VA24EQSB na strani 24. navedeno je da ponuđeni model ima odziv 5ms (Response time: 5ms (Gray to Gray)), što je ispod minimalnih zahtjeva koji su propisani u tehničkoj specifikaciji TD, te ugovorni organ smatra da ponuđeni monitor ne posjeduje tehničku karakteristiku brzine odziva monitora od 4ms.

Daljim pregledom je utvrđeno da ponuda ponuđača „SYSTEM ONE“ d.o.o. Sarajevo ne ispunjava uslove iz tehničke specifikacije – u Aneksu 3. Obrazac za cijenu ponude - robe u pogledu minimalnih uslova koje mora da ispunjava ponuđeni monitor. U tehničkoj specifikaciji TD zahtijevano je u dijelu **Zvučnici: Integrisani, minimalno 2 x 15W.** Uvidom u priloženi tehnički opis ponuđene opreme na strani 24. ponude utvrđeno je da ponuđeni monitor ima 2 zvučnika od 2W, odnosno 2W x 2 Stereo RMS, što je ispod minimalnih zahtjeva koji su propisani u tehničkoj specifikaciji TD.

Shodno navedenom, Komisija je odbacila ponudu ponuđača „SYSTEM ONE“ d.o.o. Sarajevo kao tehnički nepravilnu i istu dalje nije razmatrala.

Polazeći od gore navedenih konstatacija i činjenice da je samo jedna (1) blagovremeno pristigla ponuda prihvatljiva i pravilna za ugovorni organ, s obzirom da ispunjava uslove iz tenderske dokumentacije Otvorenog postupka, shodno odredbama tačke 10.6.3. tenderske dokumentacije, e-aukcija se ne može zakazati.

Komisija je pristupila vrednovanju jedine prihvatljive i pravilne ponude, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih i pravilnih ponuda za nabavku roba : „**Nabavka monitora za potrebe Kantonalnog tužilaštva Kantona Sarajevo**“ JRJN: 33195100-4 Monitori, prema tehničkoj specifikaciji, sljedeća:

R.B.	Naziv ponuđača	Vrijednost inicijalne ponude bez PDV-a
1.	“R&S” d.o.o. Sarajevo; <u>Igmanska b.b., 71320 Vogošća; broj ponude 16546/23</u>	2.970,00 KM



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača **"R&S" d.o.o. Sarajevo, Igmanska b.b., 71320 Vogošća,** s ponuđenom cijenom **2.970,00 KM bez PDV-a, odnosno 3.474,90 KM sa PDV-om.**

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.

GLAVNA KANTONALNA TUŽITELJICA

Sabina Sarajlija



Dostavljeno:

- Ponuđač R&S d.o.o. Sarajevo,
- Ponuđač SYSTEM ONE d.o.o. Sarajevo,
- Komisija,
- U spis.